

續濟縣志卷八

濟縣知縣南海黃璟纂

藝文

辭章

大伾感賦

禹蹟茫茫不可求
蓬壺近築伾山頭
鑿開地肺深營室
撞破天心遠架樓
帝闕紅雲峯際落
真人紫氣澗前浮
塵中忽見丹邱境
彷彿鸞輪駐節遊

黃衫背負鐵芙蓉
石洞深沈霧半封
西對浮邱騎鶴嶺
東鄰玉女跨鸞峯
仙山不用尋溟渤
故國翻憐弔邶鄘
恰似邯鄲人在夢
曉風吹送一聲鐘

續濟縣志

卷八

藝文

一

豈是蓬萊舊有緣
瓣香欣奉博山前
欲將紫府移塵海
因向青壇闢洞天
七日神人營玉利
五方長者布金田
仙靈胥蠻誰能似
頰首皈心更自堅

不堪人世閱滄桑
羽化何能到帝鄉
幾欲黃冠歸大道
難忘白髮在高堂
登山漫洒韓公淚
訪岳終催向子裝
須識瑤臺供奉意
如同繡佛事蘇郎

伾山漫興

雲窩偶坐

石筍嶄嶄插碧虛
結趺苔砌坐如如
空山寂靜無人問
細讀黃庭一卷書

吏隱斥

傲吏東山一草堂背山更在水之陽相逢若是真尋客許與
松風共一床

壺天道院

大山小山隔一澗山上白雲山下盼日日虹橋來往過芒鞋
不惜穿雲綻

石上閒吟

古松根底結黃茅望裏青山四面包偶得新詩吟未定拈髯
默默酌推敲

松下偶步

藜杖長拴五嶽圖山行不懼一身孤偶來松下逢朋輩錯認
今吾是舊吾

續濬縣志

卷八

藝文

二

望衛河遊舫

小舸恰容人四五長年一個搖柔櫓波心共作鏡中人且莫
空拴楓樹澣

題河干漁父

釣罷停橈泊岸旁船頭赤脚盪滄浪荻花楓葉紛紛下滿面
西風翳笠涼

雲半山房讀易

古木如虬倚澗橫深山深處少人行自燒銀燭讀周易不向
浮雲賒月明

贈青霞羽客

屈屈蒼松低挂戶研硃引取松梢露不知此際白雲中點點

南華第幾句

石徑

莫問海三山三山隔雲霧青松白石間此是真仙路

三丰張仙

天上人間掉臂行飄然一笠倚風輕誰知抱月眠雲叟翻受無端道邊名

雲渡橋

獨杖青藜踏翠微彩虹高跨玉山飛平生夢想天台頂此日相看是也非

石徑

石棧飛登入太虛深山欲受異人書莫愁峯頂行無路浩浩

續濬縣志

卷八

藝文

三

天風任所如

來鶴亭

楚江飛去酒樓空引領浮邱返照紅海上飈輪憑作驥雲中
錦字倚爲鴻瑤臺徑越三千路碧落平翻九萬風寄語仙翁
聊借取囊琴無伴願相同
松風謾謾步虛聲雪翻如輪帶月橫卜地曾先龍錫到登山
每和鳳笙鳴棲來華表驚聞語夢入臨臯不告名我亦西湖
林處士梅花亭畔好爲迎

西風想像碧蓮冠白鶴臨風乍斂翰地傍金山開玉洞雲從
紫海落青壇羽輪馳月飈聲迅瑤劍倚天雪影寒火棗交梨
能賜否年來夢已寤邯鄲

純陽洞天

醉散瑤池後霓旌直向東青壇明月下高卧聽松風

鳴琴坳

碧澗雲開合風清鶴唳天冰絃聞一鼓逸韻瀉流泉

爛柯崖

一枰敲斷古雲根松影娑婆嶺上蹲他日倘如傳韻事殘碁
數著月留痕

伍山卽事

呂祖洞

鑿卻雲根月窟通青壇此日闢蠶叢白雲深鎖谷神靜列子
何勞遙馭風

續濬縣志

卷八

藝文

雲封亭

香雲如綺四圍封噓氣非關是洞龍蘋末風來吹不散嶺頭
倒挂萬株松

來鶴亭

丹頂雲翎鶴一雙來經紫海與黃江翻憐乍見渾如慣不吠
花陰卧月厖

浴鶴池

銀塘明月步遲遲冉冉荷風香暗吹白鳥傳書猶未到碧雲
天外不勝思

落虹橋

鳥招人入翠微雲谿高踏一虹飛回看帝市霓塵滿始悟

年來白玉非

雲渡橋

步踏飛橋入太虛非從黃石問兵書峯頭若遇赤松子不復
回尋山下車

太極宮

離婁未解覓元珠太極團團是有無我問虛空渾不應雲來
雲去碧天衢

餐霞閣

高閣平看萬嶺低星辰咫尺手堪攜紫霞餐罷鋪雲睡夜聽
淮南天上鷄

步虛聲

續濬縣志

卷八

藝文

五

松風不動晚山厓明月何人步玉階滿徑蒼苔無印跡惟聞
天外鳥啾啾

玉井

碧甃深深天倒開銀瓶追逐轆轤迴一泓雪乳汲無盡正是
源頭活水來

吏隱斥

依山小構暫棲真咫尺方壺是近隣報得平平數年政何妨
方外作閒臣

玲瓏石

欲空曲鎖碧苔文彷彿絲絲湧墨雲海嶽菴中人若在定須
端笏一朝君

觀瀾處

浩浩西來何所根飛濤東問海天門臨流不盡眉山意坐看
閒鷗度遠村

曹仙媪祠

拋卻龍梭煉大丹已隨金母列仙官俗人無分同舟渡但看
凌波跨彩鸞

張三丰卧像

何須四壁挂名山萬里飛神一枕閒夢裏乾坤隨處到不分
漢塞與秦關

柳仙祠

宿分鶉火列星前染汁曾司科目權一自相攜歸闈苑木公

續瀋縣志

卷八

藝文

六

籍裏紀真仙

呂祖卧像

玉臺吹罷鳳凰簫卧聽松濤隔嶺遙青鳥忽傳王母報相邀
又上赤城橋

關尹子祠

青牛老叟一相交未了塵根脫屣拋不是君能占紫氣誰將
元化發天苞

關帝祠

凌霄貫日氣何豪追逐仙風與並高一黠心丹留萬古爐中
龍虎不須勞

邵康節祠

復將安樂築行窩六百年前知也麼嶺畔梅花今又落先生
告我是如何

孫華原祠

太白山頭卧碧霞鶴書遙引入京華須思小大方圓論孔老
無分是兩家

魁星閣

援北斗兮酌桂漿手扶雲漢分天章九天闔闔開宮殿一朵
紅雲捧玉皇

朱衣

休言人眼勝天明天上文章有定評應恐東烘多錯認朱衣
點首暗裏成

續濟縣志

卷八

藝文

七

文昌

孝友光華結六星星筭猶自讓精靈人間欲乞斯文祐但讀
赤虹黃玉經

八仙

松橋此日杳無徵試問邱劉識也曾獨有終南諸羽客兒童
五尺亦能稱

三清

九重天闕望悠悠更有羅天在上頭人世桑田驚變海玉清
近紀幾春秋

雲窩

雲中結屋渺難尋人與蒼龍共一岑若是蒼龍天上喚分

幾片去爲霖

綠柳長廊

欲訪桃源徑未諳兩行垂柳綠氍氍此中認取梯仙路九烈
神君是指南

仙垣

如帶崇垣天半瞻瑤臺隱隱露頭尖是誰爲借驅山鐸移得
蓬壺近里間

別是蓬萊

秦船何日見歸帆羨有丹邱在此岳躡屐依依不欲去竟忘
吾骨是仙凡

登大伾詩

眉山官懋斌

續濬縣志

卷八

藝文

八

東至大伾紀導河隨刊聖蹟光岩阿河流南改山不改黎陽
雄鎮看嵯峨怪石嶙峋列萬狀獅蹲虎伏蟠蛟羅羣空柏檜
儼奇鬼蓬蓬毛髮衣薜蘿日朝古洞佛攬鏡雲生幽窟龍騰
梭搜巖剔蘚覓碑碣烟霞掠眼千載過獨遊乘興屢忘倦屐
齒折盡猶奔波忽逢道侶相拱揖邀尋紫府探雲窩入門奇
勝不暇給三壺二別爭無多異卉照眼寒逕轉好音盈耳時
鳥歌上清宮闕最高妙巧隳山骨勞斧柯願乞仙枕北窗卧
睡蛇不擾消羣魔拾級危樓縱野目千里一覽窮陂陀崇墉
下視指諸掌炊烟萬井如星羅太行西峙開屏幃吞吐嵐翠
天相摩近觀遠矚各有得一笑絕倒孫公和歸山有志志未
遂狂吟定遭山靈訶詩成引滿拚一醉夢醒不知身在何

大伾觀河

長白麟慶見亭

按部黎陽郡公餘人翠微松雲擁翠蓋竹雪撲行衣原野添
寒色樓臺得靜機再成名雅稱不受眾山圍

石壁摩空起層巒疊障開亭空傳吏隱徑險倩僧陪遍歷三
仙洞還登八卦臺浮邱容左抱身已到蓬萊

大河徙千載故道認微茫匝地霜華重漫天沙氣黃巖壘連
白馬浩劫問紅羊指點袁曹壘當年舊戰場

能聲君早著勝地我吟攀雪足三農樂鋒銷十載閭城形巖
鎖鑰水道亂彎環須識回來意非徒為看山

大伾

文冲一飛

黎陽城外草斑斑可是黃河舊曲灣神禹不來憐下策尙書

續濬縣志

卷八

藝文

九

枉記大伾山

遊大伾山用王文成韻

開縣程光海道南

屏除騎從躡層巒贏得清風兩袖寒西揖太行迎爽氣東驅
河溜奪驚湍數來眼界茲稱最到此胸懷頓覺寬我本射鳥
山下客遊人莫作長官看

伾山雜詠

萬仙閣

小謫人間二十年蓬山回首已茫然此來高閣重瞻仰慚愧
塵顏對衆仙

大佛樓

是誰鑿石鎮狂瀾選佛場中此巨觀試上層樓高處望黃塵

滾滾劫灰寒

觀音巖

莊嚴妙相是天人能抹衆生苦厄身願乞慈雲作甘雨楊枝
灑遍萬家春

呂祖洞

不成進士作神仙到處隨緣卽洞天我與先生同落拓誰賓
誰主兩茫然

蘧蘧居

世載名場紀夢遊那知是蝶是莊周如何七出邯鄲道僅博
黎陽百里侯

藹藹亭

續潯縣志

卷八

藝文

十

亭名藹藹如何年桑柘依然綠滿前我欲題詩難著筆且攜
佳句問青天

曹媪廟

劉安鷄犬亦昇天洛浦凌波有女仙何物舟師真肉眼眼前
錯過好因緣

劉公泉

廢井相傳故令開我來山下幾徘徊桃花亂落元都觀太息
劉郎去不回

入極宮

絕頂誰修太極宮巋然高插白雲中道家宗旨分明在可與
先天理數通

大雄殿

我聞佛是大英雄
弩目低眉解脫同
愿盡恒河沙數劫
法雲高護梵王宮

天成橋

重煩民力冒天功
那識橋成國帑空
工役輒關興廢事
登山憑弔古今同

吏隱斥

自來吏隱兩兼難
潦倒風塵爲一官
何日回頭登彼斥
卻從宦海障狂瀾

懋功宅

百戰歸來拜賜書
宗臣勲閥附皇居
黎山牧豎猶能道
此宅

續濬縣志

卷八

藝文

七

當年故姓徐

烈婦塚

拚將一死保孤貞
甯復遑知身後名
難得闡幽賢守令
連章表墓乞追旌

興國寺

侍御何心乞佛靈
欲資冥福報朝廷
梵樓唄響今岑寂
猶有前朝御賜經

銘功碑

淮西一戰掃狂氛
奏凱歸來此策勳
憶讀中州金石記
唐猶署李參軍

靈湫池

有池半畝曰靈湫未見源頭活水流料是蛟龍得雲雨挾將
神瀨赴瀛洲

洪濛嶺

大伾南嶺鬱蔥蔥一抹晴嵐界遠空我上中軍亭上望魏公
遺壘尙穹窿

草茅菴

石磴雲根鎖綠苔茅菴半壁倚巖開裕公不作張仙去無復
幽人訪道來

杏花香

我來時節已春三不見花開帶雨酣
渡莫先生歸未得教人
悵悵憶江南

續濬縣志

卷八

藝文

十一

鳴琴坳

松風謾謾滌塵襟一曲焦桐寫素心
我愛東山楊道士只今
巖穴有遺音

爛柯厓

王質觀棋故蹟留爛柯山在浙西頭
是誰好事摩崖壁錯把
衢州泥濬州

虛白石

百年滄海幾桑田虛白名猶斗室傳
安得萬千閱廣廈吉祥
止止庇羣賢

高明堂

昔年太守課諸生講學堂因署此名
今日故基空瓦礫土風

猶自向高明

倉窖

依山爲窖以倉名當是屯糧爲贍兵若餉大軍三十萬也應無計保巖城

雲窩

當年出岫本無心今日還山恐不深已謝蒼生霖雨望聊從空谷伴龍吟

禹廟

洛水東過至大伾當年標楯幾經茲祇今遺廟丹青落故址猶傳萬厯碑

龍祠

續濬縣志

卷八

藝文

十三

雲行雨施仰神功夢叶維魚卜歲豐能使羣黎沾惠澤故應食報永無窮

石徑

一綫羊腸九曲盤下山更比上山難石頭路滑君知否寄語遊人步步看

仙岑

仙山見說在人間此是人間第幾山我問神仙仙不答白雲無賴石頭頑

青壇紫府

青壇故事已千年紫府真仙亦杳然最是引人幽勝處兩行古柏綠參天

虎岫鷺濤

摩岩誰作筆，窠書大筆縱。橫六尺餘片石，留題遺蹟在奇情。點綴到仙居。

三丰嘯臺

空山寥泐白雲深，翠柏蒼松自古今。惆悵仙蹤無覓處，天風時作鳳鸞吟。

陽明書院

當時書院紀陽明，想見先生德化行。日月文章山斗望，易名真不愧文成。

紫泉別墅

傾囊不惜買山錢，小築幽棲傍紫泉。若與輞川較幽勝，卻輸

續濬縣志

卷八

藝文

十四

臨水屋三椽

綠柳長廊

東風翦翦柳絲齊，一曲長廊入望迷。見說今年春信早，安排斗酒聽黃鸝。

純陽卧像

黃梁熟未莫猜疑，且盡中山酒一卮。醉拍先生呼起起，枕頭讓我就睡些時。

石晉香幢

一品香幢舊時墩，遺文殘缺蝕苔痕。相傳開道年間物，想見當年佛法尊。

雲半山房

振衣長嘯謝塵緣
煮石餐霞不計年
大有真人天際想
萬松深處抱雲眠

壺天道院

兩餘萬籟寂無聲
排闥青山一桁橫
滿地桐陰清似水
不知人世有紅塵

聽松閣

人在山閣中
閣在萬松下
夜半生秋風
何處驚溽瀉

維石齋

築室避塵囂
顏之曰維石
開門對南山
甯知師尹赫

浴鶴池

人浴必振衣
鶴浴必振羽
勿貽羊公羞
珍重風前舞

續濬縣志

卷八

藝文

五

落虹橋

有橋卧松澗
蜿蜒如長虹
題柱者誰子
吐氣將母同

天甯寺

我惜謁燕台
再宿天甯寺
到此如夢遊
是一或是一

中軍亭

當年此駐軍
瞭敵如指掌
只今任山陰
鬼哭不敢仰

偉觀岩

生平癖泉石
於茲得偉觀
鳴琴歌一曲
極目飛雲端

朝陽洞

石壁閟巖陰
聞是神仙洞
我來訪真人
丹穴有鳴鳳

鍾離殿

我陟萬仙樓再拜鍾離子問我才仙乎鍾離曰否否

玉皇廟

我縱不得仙甯戀風塵吏玉皇香案前願捧紅雲侍

登大伾絕頂並望浮邱

記曾駐馬此山頭十載壺觴愴舊遊今日重來渾似夢白雲
無恙幾經秋雨峯宛肖眉痕列萬戶都從眼底收我爲百年
塵遠慮心規城守愁焉憂

九日偕幕僚諸君同遊大伾卽席口占

大笑入雲煙洪匡許拍肩名山歸管領卽我便神仙地埒金
臺勝人稱玉篋賢壺觴聯九日裙屐自千年醉卧盧生枕狂
吟梁父篇繫余原達者於此欲終焉文讌茱萸會驢壇香火

續濬縣志

卷八

藝文

六

緣甯教煞風景冠蓋玷林泉

丙子三月齋宿伾山禱雨感賦

莫慰三農待澤心此來甯復爲登臨自慚京德膺司牧辜負
蒼生盼作霖極日不堪瞻麥隴側身倘許禱桑林長官無狀
民何罪伏乞山靈鑒下忱

大伾山賦

有序

朱鳳森

余宰濬前後十九年簿牒章程不遑暇食向因祈雨齋宿大
伾山望黃河故道考禹貢東過洛汭至於大伾孔安國傳山
再成曰伾至於大伾而北行漢鄭康成曰地喉也沈出伾際
矣謂在修武武德之界三國時張揖謂在汜水成臯間余嘗
至汜水登伾山頂水經注云河水經大伾山下殊不知水經

之大伾非禹貢之大伾也晉薛瓚主爾雅之說謂修武武德無此山汜水成臯雖有此山而山又非再成正義通典括地志并云當在黎陽宋程文簡公禹貢地理圖取薛瓚之說而詳言之謂在大河垂欲趨北之地正與河東流而先記華陰同也明王文成公有遊大伾山賦余復綜全濬之形而賦之曰若稽古大禹奠高山大川東過洛泗兮至大伾之層巘維大河之趨北兮粵唐虞而有然決二渠以疏九河兮咨浩浩之滔天山再成曰伾兮考爾雅之鴻篇登大伾以望浮邱兮哀浚城之蜿蜒詠干旌之子子兮余蒞茲一十有九年綜濬邑之幅幘兮居室壁之星躔論禹貢則一萬兮論鳥飛則五千山川之精爲星兮名地肱而上輔珠聯瞻黃河之九曲

名兮方輿紀要而屢遷適其山之爲狀兮東至白馬之垣墘
南界滑臺之嵯峨兮西至汲郡之香泉北望湯陰之里兮聽
淇水之涓涓山不在高有仙則名兮是以駐三丰之神仙呂
祖洞之幽深兮萬仙樓之高懸八卦樓之聳峙兮邈薜荔之
糾纏開紫泉之別墅兮厥三別四壺之瓊筵我云身到蓬萊
兮熟龍洞之龍涎見桃花之結實兮詠柳絮之飛綿爰撫琴
之綠綺兮因曠乾而憂煎爲之禱於山靈兮冀百穀之播鮮
刑白馬於白祀兮宰青牛於青壇鑿崖石爲大佛兮佛圖澄
之秘詮偉觀岩之洪濛兮紫金時而鳳凰翩觀翠石之稜稜
兮窺玉女之嫵媚揮化及於童山兮戰叔寶於漪漣溯賈誼
之治河兮經枉人而騰騫黑山之形如展箕兮采茯苓以嫵

娟寒波洞之窈還兮鹿腸山之渾圓沿支隴以求脈兮辨太
行之秋色於毫顛繪二十一所之輿圖兮比戶之氓以編望
松楸之鬱鬱兮思端木之大賢緬鹿台以俯鉅橋兮有殷鑒
之在前哦茶竹以瞻淇澳兮有衛武之孚先攜知己之二三
兮觀氣象之萬千層巒疊翠兮摹一幅之詩箋驚濤虎岫兮
結團蕉之數椽非汜水之成臯兮詎修武之柎沿嘉慶之歲
在癸酉兮有黃巾之黨曰白蓮憾螳臂之當轅兮拂螻蟻之
腥羶余嬰城以固守兮據矍鑠之銀驍賊攀堞以圍城兮奮
赤手之空拳仰天兵之南下兮擊征鼓之闐闐掃欃槍於
萬里兮欣七札之能穿耀旌旗於東井兮飛百斛之樓船載
皇恩之高厚兮沐帝德之深淵欽命大將以專征兮

處閭里之歎然擒獲小醜兮掃蕩乎風煙譬如風之掃敗葉
兮泣遠樹之寒蟬被袁曹之舊壘兮標青史之賢員茲復泣
乎茲土兮思一貫之真傳謂既富之方穀兮念富教之乾乾
思勒銘於大任兮若崩屨之堪鑄神禹之明德遠兮貴守土
之無愆揚大烈而濬濬即川兮任天下之仔肩願登高以作
賦兮結千古翰墨之緣

禱城隍文

程光溥

歲次丁丑節屆肅霜月不離畢日方在房旱既太甚繼之以
蝗蝗旱相仍民心惶惶維時光溥承乏黎陽奉職無狀視民
如復將恐將懼申旦徬徨爲民請命禱於城隍惟神受勅爲
邑保障亦循守土責在一方迺命祝史致告其詳民之大計

續濬縣志

卷八

藝文

七

在農與桑士不謀食筆耕爲糧等而次之或工或商錐刀競
利日謀稻粱惟土愛物不穀何嘗胡天不雨降此厲殃益以
蝨賊隊穡卒痒赤地千里不覩麥芒木凋於澤火炎於圃踐
鳥屢見石燕不翔密雲甫布烈風載陽欲雨不雨疾首痛腸
炎炎赫赫如燎方揚溝壑枕藉道殣相望譬彼痼疾漸入膏
肓譬彼窮寇日肆披猖桑林之鷓昔有成湯曰女謁盛曰讓
夫昌宮室賄賂有過必匡側身引疾昕夕不遑光溥不肖滋
愧德涼罪惡叢集如莠如狼或臨於法濫用刑章或贖於貨
納賕受贓或失之躁遇事張皇或失之僭厥微恒賜抑或祀
事未能肅將抑或賦歛徒勤無益抑或學校聲教未彰抑或
官衙網羅不張抑或胥吏當道如狼抑或豪強虐於鄉里

政有司無良天降之罰當以身當民也何罪罹此凶荒
黎妻不繼豆屑雜糠十室九戶竈陘不煬垢面如鵠積尾如
魴弭災無術士女佹佹我除釁浴以祈以禳東鄰賽社鐘鼓
嗶嗶西鄰雩祭鼓鐘鏘鏘羣巫奔走爾足踉蹌積薪徙市汗
出如醬糜神不宗舉國若狂或云旱魃是爲屍僵豈有枯骨
能祟狀疆或云久旱當焚巫尪豈有虐利能致甘祥惟神如
在在上在旁憫其疾苦拯以慈航昨者大吏思患豫防請諸
子詔許發棠議蠲議賑恩普德洋或施餽粥分給村莊或謀休息
安插街坊或養濟院或常平倉勸分賑急羣力勸勸民幸有
身勿至胥戕然而光浦憂切蕭牆寸心如結不可弭忘聞之
救荒急於救喪沿門托鉢比戶解囊剜心頭肉醫眼前瘡此

續濬縣志

卷八

藝文

三

事可暫而不可常矧茲以往轉瞬滌場百穀待播農事宜忙
今者不雨後顧茫茫自冬徂夏爲日正長卽逢富歲不接青
黃况薦饑後益鮮蓋藏民必日困穀必日昂固糧過糴民愈
大妨饑寒所迫且爲寇攘鴟義姦宄流毒未與雲霓在望
領蒼蒼吁嗟此願何日能償言念及此泣下數行伏維
用迪民康甯奪己算祝民壽城甯削己祿祝民富強民存性
命俾勿天殤民有家室俾勿流亡感徵鳴鶴瑞叶商羊甘霖
早沛惠澤流滂庶幾來歲猶卜豐稔多稔多稼如茨如梁
庶永庇農夫之慶於維昭格鑒此馨香

再禱城隍文

嗚呼光澤獲罪於天哀此熒熒胡亦遭時之不造豈若

果無可挽耶抑神亦有時而颺颺耶不然其雨其雨胡出口之杲杲光溥稟

命承乏茲邑左右斯民實與神分司其職目擊時艱不遑暇食甯神之靈而詎得辭其責况乎巍巍廟貌血食一方

既隆以封號士女迭薦其馨香告豐告潔奔走弗遑民之所以竭誠而報享者急於官府之輸將至於歲時朔望吉日良辰焚香鞠脛必躬必親犧牲肥腍酒醴清醑長官之所以順時而將事者亦可告無罪於神矣意者神必降福祐我編氓和甘迭牙萬寶告成不殄禋祀共樂昇平卽或愆陽之爲沴偶值天災之流行當無待有司之請命神必亟起而爭之而奈何雨垂降矣颺輪輒從而止之雲旣興矣義馭復躡而尾

續濬縣志

卷八

藝文

三

之滌滌山川赤地千里旱魃爲虐伊於胡底何辜今之人一至於此聞之刑罰不中政教不修上干天怒職是之由然而罪在守土於民何尤矧待澤之如渴顧屯膏而弗流微守土者罪矣亦神之羞又聞之聰明正直乃謂之神旣曰聰矣胡屢敏之不聞旣曰明矣胡布澤之不均旣曰正直矣胡遷怒於斯民嗚呼民孔亟矣歲將終矣禱祀之術亦俱窮矣上天不弔孰拯此嗷嗷之哀鴻倘若三日之內仍復靳此滂沱期雲霓之望旣絕播種之時已過民將不知死所官亦無所逃罪神之受勅而受享者其謂之何伏惟昭鑒代叩蒼穹如罪在不赦請殛不肖之躬以爲奉職無狀者戒無貽神以怨悵以甘霖之早沛猶轉歉以爲豐

著述

柳橋詩草

周光鄰撰

顧鏞序曰柳橋詩俊拔爲之主而一種秀爽之氣撲人眉宇三十年莫逆交可於羣策中嗅而得之也歲丙寅于役吳門轉淮上泝江而歸凡五閱月秋浦溪山別離增感黎陽且晚寤寐縈思於是出其行稿如千首屬蘭如訂定之予讀其詩而不禁掩卷嘆也柳橋詩境至是而漸歸於淡矣淡則神遠其味愈長俊拔秀爽之概渾涵骨裏骨力彌覺蒼堅淡之又淡三十年來漸臻其妙有如是夫時方秋九月菊花滿庭一樽共對相視無言世愚弟顧鏞拜題

續濬縣志

卷八

藝文

三

闡幽集

劉至興撰

朱鳳森序曰天下有匹夫匹婦之諒發於至誠而爲都人士之所不及者如常節婦是也余官濬邑舉凡忠孝節義之事靡不表而章之公餘之暇採風問俗聞有大屯村常鐸之妻苗氏適鐸僅二年孕未誕而鐸病不惜其身以療其夫事出於愚夫愚婦之所爲久經例禁而愚夫愚婦不知也然其性發於至誠臨蓐之後覓人乳之以存宗祀泣血而死嗚呼烈哉歲貢劉至興丙寅同人作詩以紀其事山長同年蘇省園先生囑序於余余以爲此世道人心之責也有關於綱常名教而弗時加獎勵以振風化宰官何遑

如之乃作詩曰

聖朝名教振綱常妻繼夫亡死亦香至性不教宗祀絕
伍山高峙
衛源長道光七年歲次丁亥十月有十日濬縣知縣朱鳳
森弁端光緒十二年十二月知縣黃璟詳請 旌表

訥菴詩稿

劉太平撰

趙書升序曰劉可均明經余久耳其名而未謀面也乙丑
歲分巡陝州與廣文劉磬如時以文字相切劘廣文爲明
經之弟余因締交季方而始知元方之能詩也日者廣文
出訥菴詩草一册曰此伯兄明經之作問序於余可無一
言以報乎夫詩根於心心有清濁而雅俗分興發於情情

續濬縣志

卷八

藝文

三

有厚薄而真僞判故必詞不掩文文不傷質斯爲性情流
露之詩而其人其詩俱傳矣明經克敦內行於書無不讀
并且熟於古今成敗得失之道非陋儒瑣瑣者可比生平
負淹雅才竟不得志於試官屢躋名場將以明經終老此
其遇也然而明經並不以境之坎坷而廢所學窮晨訖暮
手不停披誠好學篤志士也而又於身世之交倫物之際
有所感觸卽發之於詩集中長於論古遇忠節事尤沉鬱
清壯蘊義風生至於登眺懷友詠物感時諸作亦皆典而
有則婉而多風渺渺焉逸逸焉悉本溫柔敦厚之旨而不
離乎宗一再讀之明經之性情於此見明經之學問亦於
此徵矣然則窮達豈足以繩天下士哉詩窮而益工是殆

天之所以壽其身而并壽其詩於世也故樂爲之序以
後之讀是詩者